



Broj: T18 0 KTD 0017685 24
Brčko, 26.12.2025. godine

Optužnica potvrđena dana 12.01.2026. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

A. Č., rođen 1987. godine u Brčkom,

Što je:

1. U vremenskom periodu od druge polovine 2023. godine do oktobra 2024. godine, u Brčkom, s ciljem ostvarenja protivpravne imovinske koristi, prodajom, držanjem i posredovanjem u kupoprodaji opojne droge Cannabis Sativa L tzv. „Marihuane“, koja je pod tačkom 13. na Listi opojnih droga u Tabeli I Zakona o sprečavanju i suzbijanju zloupotrebe opojnih droga BiH, i Amfetamin tzv. „Speed“ koja je pod rednim brojem 1. na listi Psihotropnih supstanci u tabeli II supstanci i biljaka pod strogom kontrolom proglašena psihotropnom supstancom, a što je suprotno odredbama članova 4, 19, i 20. Zakona o sprečavanju i suzbijanju zloupotrebe opojnih droga (Sl. glasnik BiH broj 8/06 i 13/08), iako je bio svjestan da su prodaja, posredovanje i držanje radi prodaje opojnih droga zabranjeni, što je i htio, u više navrata nudio na prodaju, posredovao i prodavao opojnu drogu licima S.M., M.O., A.O., S.R., M. T., A.D. i drugim neidentifikovanim licima sa različitim nadimcima, i to: M. J., Baby boy, B. A., E.K., E. L. A., Boris, Boris, u količinama od jednog tzv. paketića do 10 grama, po dogovorenoj cijeni, a dana 31.10.2024. godine, u kući koju koristi u ulici u ulici IV juli I broj 8, držao radi prodaje opojnu drogu Amfetamin tzv. „Speed“, ukupne bruto mase 2,237 grama, koju su pronašli policijski službenici Policije Brčko distrikta BiH, postupajući po Naredbi Osnovnog suda Brčko distrikta BiH, broj: 96 0 K 163446 24 Kpp 3 od 28.10.2024. godine,

dakle, neovlašćeno prodavao, posredovao u prodaji i radi prodaje držao supstance propisom proglašene opojnim drogama,

2. U vremenskom periodu od sredine 2023. godine, do mjeseca aprila 2024. godine, svjestan da je zabranjeno davati opojnu drogu drugome na uživanje i stavljati na raspolaganje prostorije radi uživanja opojne droge, posebno maloljetnim licima, a što je i htio, u više navrata u stambenim prostorijama koje koristi u ulici IV juli I broj 8, Brčko distrikt BiH, omogućio i davao na uživanje opojnu drogu Cannabis Sativa L tzv.

Marihuanu, koja je pod tačkom 13. na Listi opojnih droga u Tabeli I Zakona o sprečavanju i suzbijanju zloupotrebe opojnih droga BiH (Sl. glasnik BiH broj 8/06 i 13/08), i opojnu drogu Amfetamin tzv. „Speed“ koja je pod rednim brojem 1. na listi Psihotropnih supstanci u tabeli II supstanci i biljaka pod strogom kontrolom proglašena psihotropnom supstancom većem broju lica, i to: maloljetnoj A.P., maloljetnoj S. S., A. P., S. R., N.T., A. Z., S. M., A. D., A.D.,

dakle, davao opojnu drogu na uživanje i stavio na raspolaganje prostorije radi uživanja opojne droge prema više lica, i prema maloljetniku,

3. Tokom 2023. godine i 2024. godine, u Brčkom, s ciljem ostvarivanja protivpravne imovinske koristi, iako svjestan da građanima uopšte nije dozvoljena nabavka, držanje i prodaja vatrenog oružja, municije i eksplozivnih materija iz kategorije „A“ člana 6 tačka a) Zakona o oružju i municiji Brčko distrikta BiH (Službeni glasnik BD BiH broj 39/11, 2/12, 6/13), što je htio, suprotno članu 7 stav (2) navedenog zakona, u više navrata, nabavljao, držao, posredovao u prodaji i nudio na prodaju putem društvenih mreža i lično, veći broj različitog vatrenog naoružanja, i to vojnih pušaka, dijelova oružja, municije, čija nabavka građanima uopšte nije dozvoljena, i to licima M.R., A. D., Ž. L., M. T., D. P., i drugim neidentifikovanim licima sa različitim nadimcima: Alija Maoča, Šole Rahić, Aldin 2, Taliban, Rambo Ramboti, sljedećeg oružja: automatska puška Zastava M49, kalibra 7.62 x 25 TT mm, sa preklopnim kundakom, sa pripadajućim okvirom za municiju; automatska jurišna puška Zastava M70, kalibra 7.62 x 39 mm, sa preklopnim kundakom; automatska puška Špagin – PPŠ-41, kalibra 7.62x25 mm, automatska puška Zastava M70, kalibra 7.62 x 39 mm, sa preklopnim kundakom, jurišna puška M70, kalibra 7.62x 39mm, sa preklopnim kundakom; automatska puška AIMS-74, kalibra 5.45 x 39 mm, sa pripadajućim okvirom za municiju.

dakle, neovlašćeno nabavljao, držao i prodavao vatreno oružje čija nabavka građanima uopšte nije dozvoljena,

čime je, pod tačkom 1 učinio produženo krivično djelo – Neovlaštena proizvodnja i stavljanje u promet opojnih droga –iz člana 232 stav (1) Krivičnog zakona Brčko distrikta BiH, pod tačkom 2 učinio produženo krivično djelo -Omogućavanje uživanja opojnih droga - iz člana 233 stav (2) u vezi sa stavom (1) Krivičnog zakona Brčko distrikta BiH i pod tačkom 3. učinio produženo krivično djelo - Nedoizvoljeno držanje oružja i eksplozivnih materija – iz člana 365 stav (1) Krivičnog zakona Brčko distrikta BiH, u vezi sa članom 55 istog zakona.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica****
